

– Be, thagara! Kova, kay biknela drakha phukavela, chi za edin-dva chasa ka chhingarel vsichko!

– Ay! Dav leske daya bulya! Ov ka chhingerel! Kibor nashti te chhinen, ta ov li!

– Ov dikhel, chi me ka uklyav ko shero!

Ki zheba isi les drakha. I raklyake phela:

– Kvo? Pharipe li si tuke?

– O, mi men astardili!

– Avdies zhi planina ka chhingerav le, ka mahninav len!

Thoola lakere moste drakh. Vsichko nashaldilo. Nanaytav. Nanay balkani, nanay nishto.

Bikindyas e drakha. Zhala ovda, chukinela ko kan. Achhyola hereste. Nakhle o turalike avere vwrbate. Chalavdyas les. Pala achhilo manush. Chhinel peske duy korichkes, thool len pe zhebate. Ayde veche, kerdasi raklyake shero. Gelo, pazarinela pes.

– Thagara! Ka uhlyav o vesh, o balkani, ama ka achhyoav tuke zhamutro.

O thagar:

– Gotovo, ba! Gotovo! Dikh akana te mahnines o balkani! Sar phene-sa! Kana mangesa ka oves mo zhamutro!

Ovda ukisto lakere shereste. Do – trin diyes machindyas i raklya.

– Shundyan li akana, so phukava tuke?

– Phukav, ba?

– Ka hulyav tutar o balkani, ama ka oos mi romni!

– Ka ovav, ka ovav!

Dinya len ekh zerno drakh. Mahnisaylo o vesh lengo sherendar. O rakli nakamela les.

– A-a-a! Ba-a-a! Me tut ka lav! Nakam tut!

– A be, thagara? So achhyola, be? Me nali horatindyam, chi kikya i kikya, me ka achhyovav tuke zhamutro?

– Emi! Mi rakli nakamela tut!

– Mi te achhyoav tuke ekh kalfa barem! Te riinav te grastenge, okolenge.

– E, nool! Ovela.

Ekh dies, duy dies. Ekh maswk vwrтинela pes ando dvoros. Sar nakhli i rakli ando dvoros – taap ko kan, achhili herni. Kerdas la herni.

– Ey, kalfa! Phan kale hernya! Soske muklyan andar o dvoros te phirel?

Phandyas la andre. Thoola lake sar rwzhanitsa te hal.